



PREPARAZIUN SIN L'EMPRESSADI U SIN INA SCOLA CUNTINUANTA

Has ti chattà ina plazza d'empressadi u es ti t'annunzià/t'annunziada per ina scola media?
Lura pos ti uss ta preparar sin l'empressadi u sin la scola media.

Cumenzament da l'empressadi

Il pass da la scola a l'empressadi munta intgin midament. En l'empressadi es ti ina part dal team, emprendas da lavurar en moda independenta e surpigliar responsabladad. Sper ir a scola vas ti er a lavurar. En l'ultim onn da scola vali la paina da suandar bain l'instrucziun. Quai levgescha il cumenzament da la nova furmaziun, che cumbinescha la scola e la lavur.

Maturitad professiunala durant l'empressadi (MP1)

Cun fitg bunas prestaziuns da scola po vegnir absolvida la maturitad professiunala durant la furmaziun professiunala da basa. La MP 1 sa drizza a giuvenils ch'èn fitg ambizius. Ella cumplettescha l'empressadi da 3 u 4 onns cun dapli savida generala e pussibilitescha l'access ad in studi ad ina scola auta professiunala e/u via la passarella a l'universitad. Las studentas ed ils students da la MP 1 visitan sper la furmaziun pratica en lur manaschi per regla dus dis ad emna l'instrucziun a la scola professiunala ed a la scola da maturitad professiunala.

Il consentiment dal manaschi d'empressadi ed in examen d'admissiun reussì pussibiliteschan la visita da l'instrucziun da la maturitad professiunala. L'ultim termin d'annunzia è per regla fin da favrer / entschatta da mars. L'examen ha lieu il cumenzament d'avrigl. Ulteriuras infurmaziuns chattas ti sin il fegl d'infurmaziun «Maturitad professiunala durant l'empressadi MP1» u sin www.afb.gr.ch → Documentaziun → Cussegliaziun da clamada, studis e carriera → «Profilo».

Preparaziun a la scola professiunala

L'instrucziun a la scola professiunala sa cumpona da duas parts: da la part davart las professiuns, nua che la cumpetenza professiunala stat en il center, e da la part da la furmaziun generala, la quala promova il svilup persunal, tia cumpetenza sociala e tia savida da basa. Il cuntegn da l'instrucziun è determinà en la convegno da furmaziun, en ils plans d'instrucziun ed en ils uraris da furmaziun.

Ti chattas infurmaziuns latiers en il CIP, sin www.berufsberatung.ch sut tes mastergn d'empressadi u directamain tar la scola professiunala che po er dar a tai scleriment davart l'instrucziun.

Paja durant l'empressadi

Cun il cumenzament da l'empressadi survegns ti l'emprima giada tia atgna paja. Uschè prest sco ti survegns tia emprima paja d'emprendist sa tschenta la dumonda per tge che ti vuls spender tala. Cun agid dal calculader da preventiv pos ti planisar tias expensas e vesas quants daners da satg che vanzan. → www.budgetberatung.ch/Online-Berechnungen.20.0.html

Dretgs e duairs durant l'emprendissadi

Sco emprendist u emprendista has ti da princip ils medems dretgs e duairs sco ils ulteriurs lavurants e las ulteriuras lavurantas. I sa dattan però differenzas ed excepziuns perscrittas spezialmain en connex cun il caracter spezial da la relaziun d'emprendissadi. Las infurmaziuns impurtantas chattas ti sin in feagl d'infurmaziun che pertutga il contract d'emprendissadi.

Er quel chattas ti sin www.afb.gr.ch → Documentaziun → L'Inspecturat professional.

Mussavias chattas ti ultra da quai sin www.lex.berufsbildung.ch u en il CIP.

Preparaziun a la scola media

- Has ti gia absolvi cun success ils examens da recepziun da las scolas medias u has ti pir da far quels? Sche ti has anc da far l'examen, ta pos ti t'infurmar sut www.ahb.gr.ch.
- Sas ti gia tge tip da scola media che ti elegias? (Gimnasi, SMS, SMC)? Ils fepls d'infurmaziun CIP pon gidar tai da ta preparar optimalmain sin in dals tips da las scolas medias.

Na es ti anc betg ta decidida/decidi u dovras ti sustegn tar l'elecziun dals roms? La cussegliaziun da professiun sustegna gugent tai latiers.

Infurmaziuns tar las scolas medias èn accessiblas sin ils fepls d'infurmaziun dal CIP, tar l' Uffizi per la furnaziun media-superiura u directamain tar las scolas correspondentas. → mira www.afb.gr.ch → Documentaziun → Cussegliaziun da clamada, studis e carriera → «Profilo».

Abitar durant la scolaziun

Tut tenor nua che ti chattas in emprendissadi u nua che ti visitas la scola professionala u media, dovras ti forsa ina pussaivladad d'abitar. Alloschis per emprendistas ed emprendists porschan albiert e dunsena per in pretsch bunmartgà. Ina glista da tals alloschis è disponibla sut www.afb.gr.ch → Documentaziun → Cussegliaziun da clamada, studis e carriera → «Profilo» u en il CIP.

► Ulteriuras infurmaziuns

e sustegn survegns ti en il CIP. L'adressa dal CIP en tia vischinanza chattas ti sut:

www.berufsbildung.gr.ch → Rumantsch → Sur da nus → Lieu ed adressa → Cussegliaziun da professiun, da studi e da carriera, e-mail: biz@afb.gr.ch